



KABINET DIREKTORA

88000 Mostar, Dubrovačka bb.
Tel. +387 36 445 670
Fax.+387 36 445 693
e-mail:ured.direktora@fzmiopio.ba
71000 Sarajevo, Ložionička broj 2.
Tel. +387 33 723 125
Fax.+387 33 723 200

Broj: FZ1/3-04-7-498-2/22
Sarajevo, 04.08.2022. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM
Kabinet sekretara**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 05-08-2022			
Org. jed.	Broj	Priloga	Vrijednost
05/1	02-	255	122

P R E D M E T: Odgovor na upit, dostavlja se

Veza: Vaš akt, broj: 05/1-02-255/22 od 27.07.2022. godine

Poštovani,

Uvaženi zastupnik g. Rošić Husein, na 35. redovnojsjednici Zastupničkog doma Parlamenta Federacije BiH, održanoj dana 26.07.2022. godine, postavio je zastupničko pitanje koje glasi: »Ja sam kada sam zadnji put postavio zastupničko pitanje direktoru federalnog zavoda PIO u početku primjene izmjena i dopuna Zakona o PIO koje je ovaj dom još početkom ove godine donio, a posebno u dijelu primjene srazmjernih penzija odnosno usklađivanja sa minimalnim penzijama po postojećoj zakonskoj regulativi kada će ista biti primjenjena i kada će ljudi moći ostvariti svoja prava po tim zadnjim izmjenama i dopunama zakona. Do današnjeg dana mi nemamo primjenu tog Zakona, iako sam imao obećanje direktora da će razlika do minimalnih penzija korisnicima srazmjernih penzija biti početkom augusta to se nažalost neće desiti, moje pitanje direktoru Zavoda PIO jeste kada će početi primjena Zakona o izmjenama i dopunama Zakona o PIO, zašto su uveli dodatnu proceduru za prijavu odnosno zahtjev za ostvarivanje prava na naplatu razlike u kojem se između ostalog traži dokaz o prebivalištu cips, a svi znamo da su ti ljudi već registrovani po poslovnicaama PIO, zatim rješenje o priznavanju prava na srazmjerni dio penzije kod Fonda PIO RS, uvjerenje izdato od Fonda PIO RS sa isplaćenim penzijama po mjesecima u godini u kojoj se ostvaruje pravo na razliku isplata ovih penzija. Mislim da je nepotrebno ovako dodatno komplikovati ljudima kako bi ostvarili ovo napokon višegodišnje nepravedno uskraćivanje njihovih prava i da ponovo sada kada su ljudi napokon očekivali da će biti isplaćene razlike ovaj u mjesecu augustu to se neće desiti i ono što je posebno razočaravajuće za mene kao jednog od potpisnika te Inicijative traži se od ljudi da se odredknu onih dijela razlika od onog datuma kada je Zakon stupio na snagu mislim, to je van pameti i očekujem naravno odgovor u pisanoj formi koji ću moći prezentovati ljudima koji su ovih dana to tražili od mene.«

Imajući u vidu naprijed navedeno, ističemo da je Zakonom o izmjenama i dopunama Zakona o penzijskom i invalidskom osiguranju (»Sl. novine FBiH«, broj: 19/22) i to članom 8. istog propisano:

U članu 82. iza riječi: "po međunarodnim ugovorima" dodaju se riječi: "i Sporazumom o međusobnim pravima i obavezama u sprovođenju penzijskog i invalidskog osiguranja ("Službene novine Federacije BiH", broj 24/00), zaključenog između nosilaca osiguranja u entitetima Bosne i Hercegovine".

Iza stava (1) dodaju se novi st. (2) i (3), koji glase:

"(2) Izuzetno, od stava (1) ovog člana, u slučaju da je zbirni iznos srazmjernih penzija ostvarenih u skladu sa Sporazumom iz stava (1) ovog člana manji od najnižeg iznosa penzije iz člana 81. ovog zakona, korisniku starosne, porodične, odnosno invalidske penzije pripada i razlika od zbirnog iznosa srazmjernih penzija do iznosa najniže penzije iz člana 81. ovog zakona. Pravo na isplatu razlike penzije do iznosa najniže penzije iz člana 81. ovog zakona, korisnik srazmjerne penzije ostvaruje od momenta podnošenja zahtjeva za ostvarivanje ovog prava, a u skladu sa stavom (3) ovog člana.

(3) Postupak i potrebnu dokumentaciju za ostvarivanje prava na razliku do iznosa najniže penzije iz stava (2) ovog člana uredit će nosilac osiguranja svojim aktom."

Citiranom odredbom zakona jasno je propisano da pravo na isplatu razlike penzije do iznosa najniže penzije iz člana 81. ovog zakona, korisnik prava srazmjerne penzije ostvaruje od momenta podnošenja zahtjeva za ostvarivanje ovog prava, a u skladu sa članom 3. ovog člana.

Imajući u vidu da je navedeni zakon na snagu stupio 19.03.2022. godine, to jasno prolazi da korisnici prava nisu ni bili u mogućnosti ranije podnijeti zahtjev za ostvarivanje predmetnog prava.

Također ističemo da je obaveza podnošenja zahtjeva za ostvarivanje prava na isplatu razlike penzije propisana navedenom zakonskom odredbom.

Osim toga, shodno citiranoj zakonskoj odredbi jasno prilazi da obaveza nosioca osiguranja da postupak i potrebnu dokumentaciju za ostvarivanje prava na razliku do iznosa najniže penzije uređuje nosilac osiguranja, a što je i učinjeno donošenjem Pravilnika o postupku i potrebnoj dokumentaciji za ostvarivanje prava na isplatu razlike penzije od zbirnog iznosa srazmjernih penzija do iznosa najniže penzije iz člana 81. Zakona o penzijskom i invalidskom osiguranju (»Sl. novine FBiH«, broj: 55/12).

Navedenim Pravilnikom uređen se: način, postupak i potrebna dokumentacija za ostvarivanje prava na razliku do iznosa najniže penzije, u smislu člana 82. stav (2) Zakona o penzijskom i invalidskom osiguranju, korisnici prava iz penzijskog i invalidskog osiguranja koji imaju pravo na ostvarivanje prava na isplatu razlike penzije, pokretanje postupka za ostvarivanje prava na isplatu razlike penzije, zahtjev za ostvarivanje prava na razliku penzije, nadležnost za odlučivanje, obaveze korisnika prava, prestanak prava na razliku penzije i stupanje na snagu ovog Pravilnika.

Obzirom na zakonom propisane odlučne činjenice (iznos srazmjerne penzije kod ovog Zavoda i Fonda PIO RS, kao i mjesto prebivališta) za ostvarivanje prava na isplatu razlike penzije kao neophodna dokumentacija za ostvarivanje prava određen je dokaz o mjestu prebivališta, rješenja Fonda PIO RS i uvjerenje izdato od strane Fonda PIO RS o isplaćenim penzijama po mjesecima u godini u kojoj se ostvaruje pravo na isplatu razlike penzije.

Na kraju ističemo da će ovaj Zavod prilikom isplate penzija za 07/2022 godine, dana 05.08.2022. godine, izvršiti isplatu razlike penzije u skladu sa članom 82. stav (2) Zakona o penzijskom i invalidskom osiguranju za određeni broj korisnika prava, te da ovaj Zavod poduzima sve potrebne radnje i aktivnosti kako bi se po svim podnesenim zahtjevima okončao upravni postupak i uspostavila isplata predmetne razlike penzije.

Napominjemo, da Vam nadležne službe ovog Zavoda i ubuduće stoje na raspolaganju u pružanju potrebne stručne pomoći u rješavanju spornih pitanja iz oblasti penzijskog i invalidskog osiguranja.

